



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Jesus Passus Per Centuriam
Modorum Meditandi passionem Salvatoris nostri illustratus; cui
accesserunt Meditationes In Passionem Domini XLVI. - Juxta numerum
dierum Quadragesimæ

Druzbicki, Kaspar

Ingolstadii, 1732

VD18 90066405

79. Considerando quomodo in Passione Domini exercitæ virtutes
Cardinales apparent.

urn:nbn:de:hbz:466:1-45427

neficiis collatis in nos à Deo, in ipso charitatis & miserationis ejus nucleo, medullâ, thesauro, mari, & abyfso, nempe in Passione ejus, atque Crucis morte pro nobis suscepta reperire tamen non possumus propter quod Deum verè, constanter, ac dignè amemus; aut si reperimus, nihilominus eundem (quod quidem in immensum improbius, & indignius est) nihilominus (inquam) eundem non amamus, imò averfamur, repellimus, conculcamus, contemnimus, potiusque & sincerius, atque constantius diabolo, Dei pariter, ac nostro capitali inimico, quàm ipsi omnis Bonitatis & Majestatis, & Charitatis fonti, adhærere eligimus. Quis audivit talia horribilia?

MODUS LXXIX.

Septuagesimus nonus Passionem Domini nostri meditandi Modus esse potest. Vestigando in ea exercitationem virtutum Cardinalium, cæterarumque moralium ab illis dimanantium, quomodo nimirum ea, & à Christo Domino in Passione sua exercitæ, & à nobis exercendæ in vita nostra sunt.

Prima ex Cardinalibus virtus est, Prudentia. Hæc utique in vita, at potissimum in Passione Christi eluxit. In illa enim admirando, & omnem humanam Angelicamque cogitationem excedente modo, sapientia Dei, malitiam viciorum diaboli, exsecuta est consilium suum, perfectam voluntatem Patris, perripit omnia obstacula salutis nostræ, vastavit infernum, mortem subegit mundum calcavit, cæli & terræ dissidia concilia-

S:
6
oper
TOT
N.
5

vit, æterni regni portas aperuit; Diabolus suis propriis artibus elusus est, fuismet laqueis captus, in foveam quam foderat præcipitatus, peccato quo vicerat victus, per lignum, per quod triumphaverat, triumphatus, morte, quâ humanum genus infecerat & interfecerat, ipse quoque confectus est. Libet de hoc argumento Beati Leonis Papæ orationem attexere. [Dei Filius secundum plenitudinem temporis; quod Divini consilii inscrutabilis altitudo disposuit, reconciliandam auctori suo naturam generis assumpsit humani; ut inventor mortis diabolus, per ipsam quâ vicerat, vinceretur. In quo conflictu pro nobis inito, magno & mirabili æquitatis jure certatum est, dum omnipotens Dominus, cum sævissimo hoste, non in sua majestate, sed in nostra congredditur humilitate, objiciens ei eandem formam, eandemque naturam, mortalitatis quidem nostræ participem, sed peccati totius expertem.] Idem Sanctus, hoc ipsum alibi tractans argumentum, ita de eo loquitur. [Quid, inter omnia opera Dei, in quibus humanæ admirationis fatigatur intentio, ita contemplationem mentis nostræ, & oblectat, & superat, sicut Passio Salvatoris? Qui ut humanum genus vinculis mortiferæ prævaricationis absolveret, & sævienti diabolo potentiam suæ majestatis occuluit, & infirmitatem nostræ humilitatis objecit. Si enim crudelis & superbus inimicus consilium misericordiæ Dei nôsse potuisset, Judæorum animos mansuetudine potius temperare, quàm injustis odiis studuisset accendere, ne omnium captivorum amitteret servitutem, dum nihil sibi debentis persequitur libertatem.]

Serm. i. de Nativ. Domini.

Ser. ii. de Passione.

Handwritten notes in a medieval script, possibly a shorthand or cipher, including characters like 'i', 'c', 'k', 'l', 'v', 'g' and some larger symbols.



Fefellit ergo illum malignitas sua. Intulit supplicium Filio Dei, quod cunctis filiis hominum in remedium verteretur. Fudit sanguinem iustum, qui reconciliando mundo, & pretium esset, & poculum. Suscepit Dominus, quod secundum propositum suae voluntatis elegit. Admisit in se impias manus furentium: quae dum proprio incumbunt sceleri, famulatae sunt Redemptori.,] Hæc Sanctus Pontifex, egregie complexus investigabilem prudentiam sapientiamque consiliorum Christi in nobis per Passionem solemni redimendis exercitam. Possunt autem plura particulariùs Prudentiæ hujus in Passione Domini apparentia adverti, atque expendi. Prudenter siquidem Dominus, & elegit, & disposuit Passionis suae, & Tempus, & Locum, & Modum, & Ministros, & Authores, in quibus omnibus, frustra sese vel humana vel diabolica laboravit interponere, sive malitia, sive astutia, atque præcipitatio. Quæsierat Herodes Pater, infantuli Christi animam: quæsierat & Herodes Filius. Volebant Nazarethani de montis supercilio precipitare, conabantur Judæi, tum per submissos cum suis ministris Herodianos, tum per semet ipsos lapidibus Christum trucidare: at hæc similiaque frustra fuere, quia necdum venerat hora ejus, & quia nequaquam talis erat de sua Passione, atque morte dispositio ejus. Quæ dispositio ita erat ordinata, ut ad minutissima momenta actionum, passionum, temporum, locorum, personarum, circumstantiarumque omnium sese extenderit, & in omnibus ad figuratas, ad prædictiones scripturarum adimplendas totius Passionis series processerit, ita ut nequaquam

G:
B
oper
TOT
N.
S

unus apex, neque unum jota, quod non adimpleretur, remanserit. Accessit illud admirandæ Prudentiæ opus, quod Dominus noster in Passione sua ita hominem quem gerebat objecit tormentis, ab hominibusque à dæmonibusque excogitatis & adhibitis, ut interea, temporis, neque dæmones, neque homines, furore suo livoreque excæcati, interlucentem Divinitatem, virtutes evidenter summas, & verè divinas, prophetiarum concursum, & scripturarum executionem, impletionemque, ipsius Christi prædictionum de sua morte veritatem, innocentiam patentiissimum fulgorem, miraculorum fidem, odii sui invidiæque virulentam, non minùs quam manifestam in Christum rabiem, dispicere, seseque recolligere in scelere, atque ab eo refræquare valuerint. Vidit, & confessus est Sacerdotibus Judas peccatum suum. Pilatus quoque contestatus est multis modis, & Christi innocentiam, & Judaicam invidiam, imò & infamiam, laboravit plurimùm pro ejus indemnitate & vita, uxor quoque Pilati, & preces, & consilium, & periculum suum apud virum interposuit, plebs ipsa nisi à Principibus persuaderetur, & prævio exemplo traheretur, obnitebatur. Mulieres lamentis suis, facti & iniquitatem, & enormitatem declarabant. Denique ipse defectus causæ, ob quam Christus morti, vel speciosè saltem addiceretur, ab ipsomet Judice sapius enuntiatus, vim animis conscientisque perdere cupientium Dominum, inferebat. Solis Judæorum Principibus, odio & livore invidiæ excæcatis sol intelligentiæ non potuit illucescere, sed auribus suis graviter audientes, atque

Ll 2

cordi-

Handwritten notes in the right margin, including a large flourish at the top, followed by several lines of text: "i. xi", "2800", "VII", "LII", "V", "8".

cordibus suis indurati, ad facinus animo desti-
natum, tanquam equus impetu vadens cucurre-
runt, & usque ad Deicidii scelus persuaferunt.
Proinde Dominus sic usus est parata inimicorum
nequitiâ, ut ex ea produceret univerforum re-
demptionem, & de peccato damnaret pecca-
tum, ac per mortem suam pararet omnium no-
strum vitam. Sic ergo vicit sapientia malitiam,
& ubi perversitas peccantium seminavit iniqui-
tatem & mortem, ibi prudentia Domini Salvato-
ris messuit justificationem & vitam. Neque ullum
fuit consilium hominum contra Dominum, quod
Dominus converterit in salutem & redemptio-
nem hominum.

Altera virtus Cardinalis est, Justitia. Hæc
quoque in Passione Domini maximum locum,
proximæque plurimam habuit: adeo, ut Christus
propter Passionis laborem exhaustum, peculia-
ri nomine atque ratione vocetur Justitia nostra.
Passione siquidem, satis, & super satis fecit Ju-
stitiæ Dei pro nobis, cui nos in imensum obligati
eramus, solvendo autem & satisfaciendo, nul-
lo possibili nobis modo sufficiebamus. Passione,
item, omnem jacturam honoris & cultus Deo
per nos debiti illatam, abundè restituit, Passione
obedientiam & servitutem subjectionemque à
nobis Deo debitam, sed rebeli protervaque
voluntate denegatam, ipse supplevit, atque ple-
nissimè explevit. Passione quoque debitum &
reatum damnationis æternæ, quo eramus uni-
versim omnes obstricti, abolevit; adeo, ut
nulla deinceps damnatio sit iis omnibus, qui
sunt in Christo Jesu. Passione etiam Mortis &
æternæ & temporalis chirographum, quod erat
nobis

S:
G
oper
TOT
N.
S

nobis valdè contrarium, è manibus mortis extorsit, & cruci suæ affixit atque delevit. Passione etiam, omne, estò Tyrannicum jus servitutis, captivitatisque, quo à diabolo, tam viventes, quàm mortui tenebamur, debellatis nostris Tyrannis, evacuavit & nullum reddidit, nosque omni libertati asseruit. Passione item suâ Dominus jus nobis adoptionis Filiorum Dei comparavit, dans nobis omnibus, quotquot eum reciperemus, ut ex Deo renasceremur, adoptionemque filiorum Dei assequeremur. Passione nos hæredes Dei, omniumque bonorum ejus, suos autem cohæredes, & fratres instituit. Passione perditum jus ad vitam, & ad Regnum æternum, beatitudinemque æternam nobis obtinuit, recuperavit, & restituit. Passione cælestes portas nobis referavit. Passione nos ex iniquis justos, ex rebellibus subditos, ex impiis Sanctos & devotos, coram Deo fecit. Passione non solum ipse nobis amicitiam & gratiam, & sanctificationem, & æternam gloriam obtinuit, sed insuper ut nos quoque nostris operibus, in fide, spe, & Charitate ejus factis, eadem illa bona mereri nobis possimus, promeruit, & nobis æquitatem justitiæ dedit, aded, ut liceat nobis dicere. *Bonum certamen certavi, cursum consummavi, fidem servavi: in reliquo reposita est mihi corona justitiæ, quam reddet mihi Dominus in illa die justus judex.* Ita Dominus JESUS Passione suâ non solum omnem implevit & exæquavit, placavit, ad mensusque est justitiam: Non solum omnia jura nostra in integrum restituit, non solum omnia quæ debebamus Deo exsolvit: verum etiam insuper debitorem nobis Deum fecit, ut

Ll 3

repræ-

Handwritten notes in the right margin:
 Dicitur
 i. c. xi
 = ascer
 77 115 III
 2 V
 8

repraesentatis meritis Passionis ejus, exigere possumus à Deo, & peccatorum veniam, & justificationem, & Gratiam, atque amicitiam, & Gloriam vitamque æternam. Et id quidem non septies, neque septuagesies septies, sed quoties toties, sed infinities. Nunquam, ne in æternum quidem, deficiente nobis thesauro meritum Christi, & jure quod habemus, & nos, & opera nostra, ex benedicta & nunquam exhauriendi valoris Passione Christi. O Homines, amate hanc Redemptoris vestri justitiam; servate jus ex ea vobis manans; vivite & augetur in ea, & nunquam recedite ab ea. Passioni autem Domini omni devotione inhærete, & immanete. *Et grati estote, omnia enim bona venerunt nobis ex ea: & omnibus bonis per eam repleti sumus.*

De Tertia Cardinali virtute, nempe Fortitudine, quomodo in Christi Passione emineat, & quomodo à Christo Patiente exercita sit, pœnè superfluum est fidelibus dicere. Quid est enim Passio Domini, nisi opus Fortitudinis excellentis, heroicæ, Theandricæ. Cui nulla humana fortitudo, ne quidem Martyrum etiam simul omnium, in comparisonem venire ex quo possit. Et cum ex toto illa admiranda sit stupendaque, ex illo tamen capite plus quam stupenda est, quia Dominus noster, fortitudinem suam, non in omnipotentia suæ Divinæ virtute fundatam exercuit, sed in infirmitate, in impotentia, in miserrima miserabilitate & abiectione roborisque omnis defectu, exhibuit, & per eam omnes humanas vires, artes, audacias, furoresque, omnes tartareas potestates, nihil non audentes, nihil non tentantes, nihil non in effe-

G:
 6
 oper
 tot
 N.
 5

tum, juxta rabiem desideriorum suorum deducen-
 tes, solâ suæ infirmitatis exhibitione com-
 pescuit, confregit, confudit, in nihilum redegit,
 & velut lutum platearum conculcavit delevit-
 que. Non secus ac omnes fluctus tumidissimi
 furiosissimique maris, ad mollissimam arenam
 illisi confringuntur, & in salivam spumamque
 deficientem dispereunt. Ita nimirum, quod in-
 firmum est Dei, fortius est hominibus, atque dæ-
 monibus & creaturis omnibus: quemadmo-
 dum etiam, quod stultum est Dei, sapientius est
 hominibus, & omnibus quantumcunque sapien-
 tibus. Sicut ergo stultitiam fecit Deus sapientiam
 hujus mundi, sic etiam omnem ejus potentiam
 & virtutem mundi, infirmitate sua & fragilitate
 contrivit. Non secus, ut ille lapis excisus de
 monte sine manibus, vastam tamen statuam
 confregit, comminutaque sunt pariter in pulve-
 rem, aurum, argentum, æs, ferrum, & testa; la-
 pillus autem crevit in montem, toti mundo oc-
 cupando parem. Passus Dominus noster Deus-
 Homo, omnem hujus mundi sapientiam, Glo-
 riam, fortitudinem, potestatem, voluptatem, &
 quidquid mundus est, humilitate & infirmitate
 Passionis atque Crucis, & Mortis suæ, in nihilum
 redegit, & totum potestati subjecit, atque sibi
 omne genu curvari coëgit. Nam quia in Dei
 sapientia non cognovit mundus, per sapientiam Deum,
 placuit Deo per stultitiam prædicationis salvos fa-
 cere credentes. Ita etiam, quia in Dei Poten-
 tia, non honoravit per Potentiam mundus
 Deum: placuit quoque Deo per Infirmitatem
 Passionis confundere mundi superbiam &
 potentiam, humiles autem exaltare, & virtutem

1. Cor. 1. 25.

Ibid. v. 20.

Dan. 2. 34.

1. Cor. 1. 21.

in infirmitate perficere. Atque hæc sapientia & virtus Christi est, quam abscondit Pater à sapientibus & Prudentibus hujus sæculi, revelat autem parvulis, minimis coram mundo, stultis propter Christum, amicis Crucis Christi, & gloriantibus in Cruce Christi, confixisque cum Christo in Cruce.

Quarta Cardinalis virtus est, Temperantia, quæ etiam sicut per omnem vitam, ita vel maxime per Passionem ejus universam comitata est Dominum nostrum. Quid enim non dico voluptatis, aut consolationis, sed vel modicæ quietis admisit Dominus in tota Passione sua? Sublimitatem perfectionemque Temperantiæ Christi in Passione, potissimum hoc demonstrat, quod moriens in extrema afflictione Animæ & Corporis totius, ex bonis, & solatiis commodisque hujus seu mundi, seu vitæ, ne unicum vestigium post se reliquerit, alicui habendum. Non opes, non possessiones, non pecunias, non dignitates, non honores, non domum, non amicos, non quidquam absolutè rei. Sola post eum remanet Crux, ignominia, & execratio hostium, solus dolor sibi notorum & affectorum, sola confusio, dispersio, desperatio discipulorum, sola sepulchri & sepulturæ inopia & indigentia. Usque adeò Dominus noster nihil neque cum mundo, neque cum ejus bonis commune habuit, ut potius absolutè, & plenè nihil, & nihil de hoc mundo habuerit: neque tantillo quidem terræ servato spatio, in quo caput suum reclinaret. Magno utique omnium fidelium suorum magisterio, ut sciamus satagendum nobis, ne ullum penitus cum mundo, & carne, & creaturis ullis, adeoque ipsismet nobis adha-

S:
B
oper
TOT
N.
S

adhaerentis ad nos affectus, privatique ac proprii amoris habeamus, sed ut nudi nudum, exspoliari, & mortui, perditum & annihilatum à nobis ipsis, & ab omnibus (quantum ad amorem) creaturis, exinanitum Christum imitemur, æmulemur, quam vicinissime comitemur. Ut hac ratione instar grani frumenti, nos quoque emortui, multum fructum efferamus. De virtutibus cæteris, quæ ad hæc quatuor, de quibus diximus, revocantur, existimo opus non esse ut sigillatim agamus. Id enim & prolixum nimis foret, & seipsum nostrum excederet, & ex supradictis facile patet, & actum supra de iis est, & denique peculiaris nihil habet necessitatis, ut exponatur. Manifestum est enim in Passione Domini exercitæ esse virtutes omnes Christo dignas, unquamque in summo, heroico, perfectissimoque gradu. Summam Charitatem Dei & Proximi, Humilitatem, Patientiam, Obedientiam, Mansuetudinem, Modestiam, Taciturnitatem, Magnanimitatem, Longanimitatem, Abstemiam, Resignationem, Paupertatem, Orationis studium, Sollicitudinem pro suis, Inimicorum dilectionem, Constantiam, Religionem, Devotionem, Pietatem, omnem denique Perfectionem, Christo quidem dignam, Christianis autem ad imitandum necessariam.

MODUS LXXX.

Octogesimus Modus Passionem Domini nostri meditari est: dispicere in ea, & discere ex ea exercitium operum misericordiae, tam spiritualium, quam corporalium. In presenti modo.

Supra modo
Octavo.

Handwritten notes on the right margin, including the word "Supra" and various numbers and symbols.